

# Forum Maulidur Rasul di BSP malam esok

SERDANG, 31 Jan. - Satu forum Maulidur Rasul akan diadakan di Surau Sayyidina Umar Al-Khattab D'Puncak Bandar Seri Putra (BSP), Bangi dekat sini pada Sabtu (2 Februari), mulai pukul 9 malam.

Forum bertajuk *Menelusuri Sirah Menggapai Ibah* itu dianjurkan bersama Persatuan Penduduk Bandar Seri Putra dan Gabungan Surau-surau Bandar Seri Putra dan Impian Putra.

Menurut jurucakap penganjur, Surau Sayyidina Umar Al-Khattab yang terletak di Fasa 7 Bandar Seri Putra dipilih sebagai tuan rumah majlis itu.

Katanya, dua anggota panel yang merupakan pensyarah institusi pengajian tinggi tempatan diundang iaitu Ustaz Dr. Azhar Yacob dari Universiti Teknologi Malaysia (UTM) dan Dr. Syauqi Othman dari Universiti Putra Malaysia (UPM).

Pensyarah Kolej Universiti Islam Selangor (KUIS), Ustaz Nushi Mahfodz pula bertindak sebagai moderator.

Orang ramai khususnya di sekitar Bandar Seri Putra, Bukit Mahkota dan Bangi dijemput menghadiri forum tersebut.